



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno pravna komisija
Broj: 01/I-011-814/01
Sarajevo, 30.11.2001.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 28. 12. 2001.			
Org. jed.	Broj	Prilog	Vrijednost
01/I	-011-	814/01	

Z A P I S N I K
sa osamnaeste sjednice Ustavno - pravne komisije

Sjednica je održana dana 30.11.2001.godine sa početkom u 9.00 sati.

Sjednici us prisustvovali:

- | | |
|---------------------|-------------------------|
| 1. Mirko Banjac | 6. Miro Grabovac –Titan |
| 2. Mariofil Ljubić. | 7. Mirko Mijatović i |
| 3. Željko Bilbija | 8. Bogić Bogičević |
| 4. Muhamed Begović | |
| 5. Osman Brka | |

Član Komisije Hilmo Neimarlija je zbog zdravstvenih problema pravdao izostanak.

U ime predstavnika predlagača Vijeća ministara BiH sjednici su prisustvovali:

1. Gordana Ković
2. Muharem Imamović i
3. Alma Hasić

Sjednici su takođe prisustvovali: Vedran Hadžović i Milan Zjajić zaposleni u stručnoj službi Predstavničkog doma Parlamentarne skupštine BiH.

Predsjedavajući komisije Mirko Banjac je predložio sljedeći:

D N E V N I R E D :

1. Verifikacija zapisnika sa XVI sjednice Ustavno – pravne komisije održane 19.11.2001.godine i XVII sjednice održane 20.11.2001.godine.
2. Prijedlog zakona o namjeni i korištenju imovine koju je BiH dobila po Sporazumu o pitanjima sukcesije u Banci za međunarodna poravnanja u Baselu,
3. Prijedlog zakona o pravima nacionalnih manjina u BiH.
4. Ostala pitanja.

Predloženi dnevni red je jednoglasno prihvaćen.

Ad. 1.

Bez posebne rasprave i primjedbi članovi Komisije su jednoglasno. Verifikovali zapisnik sa XVI sjednice Ustavno – pravne komisije održane 19.11.2001.godine i XVII sjednice održane 20.11.2001.godine.

Ad. 2.

Otvarajući ovu tačku dnevnog reda Predsjedavajući Mirko Banjac je istakao da je dao saglasnost da nadležna komisija raspravlja o Prijedlogu zakona, smatrajući to konstruktivnim

doprinosom u datom trenutku i ističući da je protivnik kršenja procedura, ali da Komisija i sada ima priliku da svojim Mišljenjem zaustavi cijeli postupak ukoliko cijeni da za to ima razloga.

Zatim je predstavnik predlagača dao kratko obrazloženje, ističući da za Prijedlog ovog zakona postoji apsolutna saglasnost na nivou države, što uključuje i saglasnost entiteta. Pojasnio je i amandmane o kojima su pitanje postavili članovi Komisije Mirko Mijatović i Željko Bilbija. Član Komisije Osman Brka je istakao da nije dobio amandmane, te da je protivnik kršenja procedura u čemu će se izjasniti i na sjednici Doma.

Nakon toga na prijedlog Predsjedavajućeg članovi Komisije su jednoglasno prihvatili da postoji valjan ustavni osnov za donošenje Zakona o namjeni i korištenju imovine koju je BiH dobila po Sporazumu o pitanjima sukcesije u Banci za međunarodna poravnjanja u Baselu.

Na kraju je predstavnik predlagača zahvalio članovima Komisije na razumjevanju i ekspeditivnosti.

Ad. 3.

Na početku rasprave Predsjedavajući je pozvao predstavnika predlagača Zakona o pravima nacionalnih manjina u BiH da da uvodno obrazloženje. U ime predlagača, grupe poslanika Mariofil Ljubić je istakao da su u Prijedlog ugrađena najznačajnija Evropska dostignuća u zaštiti prava nacionalnih manjina uključujući i prava na jezik, pismo, zastupljenost u organima vlasti od lokalne zajednice do nivoa države, a da ustavni osnov po njemu uopšte nije sporan.

Nakon toga članovi Komisije su jednoglasno prihvatili da postoji valjan ustavni osnov za donošenje Zakona o o pravima nacionalnih manjina u BiH i da se ponuđeni tekst može uputiti u dalju zakonodavnu proceduru.

Ad. 4.

Kako nije bilo prijedloga za ovu tačku dnevnog reda (ostala pitanja) Predsjedavajući je zaključio osamnaestu sjednicu u 9.40 sati.

PREDSJEDAVAJUĆI
USTAVNO - PRAVNE KOMISIJE
Mr. Mirko Banjac

